



Inatsisartuni ilaasortaq Pele Broberg, Partii Naleraq  
/maani

## Naalakkersuisut suliassaqarfiisa agguataarneqarnerat pillugu § 37 naapertorlugu apeqquteqaammut 2019-292-imut akissut

10-09-2019  
Suliaq nr.: 2019 - 18834  
Id nr. 44115210

Asasara Pele Broberg

Inatsisartut suleriaasianni § 37 naapertorlugu Naalakkersuisut suliassaqarfiisa  
agguataarneqarnerat pillugu Naalakkersuisunut apeqquteqaateqarputit. Apeqqutitit  
uannit akineqartussatut innersuunneqarput. Apeqqutitit matuma kinguliani  
ataasiakkaarlugit allanneqarput, akissummillu malitseqarlutik.

Postboks 909  
3900 Nuuk  
Tlf.: (+299) 34 50 00  
E-mail: box909@nanoq.gl  
Fax: (+299) 34 63 56  
www.naalakkersuisut.gl

### 1. Ukioq manna qanorlu akulikitsigisumik Naalakkersuisut kiisalu aallartitat taakkunanga pisortaqatigiit imaluunniit siulersuisut ataatsimiittarpit (tamakkerlutik imaluunniit taakku ilaat) Kalaallit Airports (nunat assigiinngitsut akornanni aamma/imaluunniit ingerlatseqatigiiffinni)?

Akissut: Naalakkersuisuni ilaasortat arlaannaalluunniit ukioq manna Kalaallit Airports  
International A/S-imik, Kalaallit Airports Holding A/S-imiluunniit  
ataatsimeeqateqarnikuunngillat.

Naalakkersuisoqarfinnut assigiinngitsunut agguataarlugu allaffeqarfiup kiisalu Kalaallit  
Airports International A/S imaluunniit Kalaallit Airports Holding A/S akornanni,  
ataatsimeersuarnerit isumasioqatigiinnerillu ilanngunnagit, ataatsimiinnerit piffissani  
ukunani ingerlanneqarnikuupput:

Januaari	Ataatsimiinnerit arfinillit
Februaari	Ataatsimiinnerit arfinillit
Marsi	Ataatsimiinnerit sisamat
Aprili	Ataatsimiinnerit pingasut
Maaji	Ataatsimiinnerit arfinillit
Juuni	Ataatsimiinneq ataaseq
Juuli	Ataatsimiinneq ataaseq
Aggusti	Ataatsimiittoqanngilaq



**2. Naalakkersuisut aningaasaqarnermut ataatsimiititaliami ilaasortat amerlannerussuteqarlutik Kalaallit Airports-ip Munch-gruppikkunnut atsioqatigiinnissaat unitseqqullugu piumasaqaataat pillugu atassuteqarsimappat (aap atorneqarpat, qanga)?**

Akissut: Aap. Aningaasaqarnermut Akileraartarnermullu Ataatsimiititaliap aggstip 9-ani 2019-imi allakkiaa Kalaallit Airports-ip tigusimagaa, allakkiami [www.kair.gl-imi](http://www.kair.gl-imi) tamanut saqqummiussami allassimavoq.

**3. Finansministeriaqarfiup (Danskit Naalagaaffiat) aningaasaqarnermut ataatsimiititaliami ilaasortat amerlanerussuteqartut piumasaqaataat qanoq isummerfigaa?**

Akissut: Naalakkersuisut Siulittaasuata Naalakkersuisoqarfiata paasissutissiissutigaa: "Aningaasaqarnermut Akileraartarnermullu Ataatsimiititaliap oqaaseqaataannut, Finansministeriaqarfik qanoq isummernersoq Naalakkersuisut ilisimangilaat."

**4. Naalakkersuisut inuiaqatigiit aningaasaqarnerannut Kangerlussuup ammatiinnarneqarnissaanut kingunerisinnaasanik nalilersuineramik takussutissaateqarpat (Maannakkumut mittarfiup takissusaa inissisimaffigisagaanni)?**

Akissut: Illit ilisimasattut, siunissami ingerlatseriasissaq pillugu aalajangiisoqarnikuunngilaq.

Illersornissaqarfiup siunissami Kangerlussuarmi Mittarfimmik atuinissaa pillugu, Naalakkersuisut Forsvarsministerimii Claus Hjort Frederiksen-imit saaffiginnissummik tigusaqarnikuupput.

Kangerlussuup siunissaata qulaajarneqarnissaa pillugu, Qeqqata Kommunua peqatigalugu suleqatigiissitamik pilersitsisoqarnikuuvoq.

Suleqatigiissitap inerniliineri Naalakkersuisut utaqqivaat.

**5. Mittarfiit ataatsimoortitani ilanngussami inuiaqatigiit aningaasaqarnikkut kingunerisinnaasaanik nalilersuisimaneq Naalakkersuisut aamma Danskit Naalagaaffiat taamatut isikkoqartillugu inissisimaffiginiarpaat?**

Akissut: Naalagaaffik sinnerlugu Naalakkersuisut akissuteqarsinnaangillat. Apeqqutip sisamaanut akissut aamma takuuk.

**6. Naalakkersuisut oqarsinnaappata Kangerlussuup siunissaa pillugu aalajangertoqarsimangitsoq?**

Akissut: Apeqqutip sisamaanut akissut takuuk.

**7. Naalakkersuisoqarfiup sorliup akisussaaffiata iluaniippa Kalaallit Airports (nunat assigiinngitsut akornanni kiisalu ingerlatseqatigiiffinni) A/S-i kiisalu aktiaateqarluni ingerlatseqatigiiffiit?**

Akissut: Piginnittuunermut tunngasoq Naalakkersuisut Siulittaasuata ataaniippoq. Ingerlatsinermit tunngasut nalinginnaasumik Ineqarnermut Attaveqatigiinnermullu Naalakkersuisup ataaniitarpur. Ingerlatseqatigiiffimmu tunngatillugu pissutsinut allanut tunngasut, pineqartoq sumut tunngassuteqarnermoq apeqqutaatillugu, Naalakkersuisuni ilaasortanut allanut innersuussutigineqarsinnaapput.

**8. Kalaallit Airports pillugu (nunat assigiinngitsut akornanni aamma ingerlatseqatigiiffinni) A/S aamma aktiaateqarluni ingerlatseqatigiiffiit allat paasissutissaataat Naalakkersuisut allat piumasaqarsinnaappat?**

Akissut: Kinaluunniit Kalaallit Airports A/S-imut saaffiginnissinnaavoq. Taamaattorli Kalaallit Airports A/S soorunalimi piginneqatigiiffiit pillugit inatsisip, Aningaasanut Inatsisip kiisalu Nuummi aamma Ilulissani nunanit tamalaanit mittarfiit kiisalu Qaqortumi nunap immikkoortuani mittarfiup sananeqarnissaannut, ingerlanneqarnissaannut aningaasalersorneqarnissaannullu killiliussatut piumasaqaatit pillugit Inatsisartut inatsisaat nr. 4, 22. november 2018-imeersup kingunerisaannik, ingerlatseqatigiiffiup inatsisitigut tunngavissani malittussaavaa.

**9. Inuiaqatigiit aningaasaqarnerannut kingunerisinnaasaannik nalilersuineq suliarineqareerpat Kangerlussuup matuneqarnissaa politikikkut aalajangiiffigineqassava?**

Akissut: Apeqqutip sisamaanut akissut takuuk.

Inaarutaasumik oqaatigineqassaaq, Kalaallit Airports International A/S-imut tunngatillugu suliat ingerlasut, mittarfissanillu sanaartortitsinissat pillugit Aningaasaqarnermut Akileraartarnermullu Ataatsimiititaliaq ilisimatinneqareerpat.

Neriuppunga qulaani allaqqasuni apeqquteqaatitit akineqartut.

Inussiarnersumik inuulluaqqusillunga



Karl Frederik Danielsen